



Anthon Frederiksen  
Inatsisartunut ilaasortaq  
Inatsisartut  
/MAANI

### § 37 naapertorlugu apeqquteqaammut nr. 2015-133-mut akissutit

Inatsisartut Suleriaasianni § 37, imm. 1. naapertorlugu aalisarnermut tunngasunik Naalakkersuisunut apeqquteqarputit. Apeqqutit uannut akineqartussanngortinneqarsimapput.

01-06-2015  
Suliap nr. 2015-115318  
All. nr. 1981216

Postboks 269  
3900 Nuuk  
Oqarasuaat (+299) 34 50 00  
Fax: (+299) 34 63 55  
E-mail: apnn@nanoq.gl  
www.naalakkersuisut.gl

#### Apeqqutit:

1. Avaleraasartooriarnissamut aalisariutit kalaallinit pigineqartut qassit akuerineqarpat? Aamma aalisariutit kalaallinit pigineqartut qassit itigartinneqarpat?  
Kiisalu aalisariutit nunani allaneersut qassit akuerineqarpat? Aamma qassit itigartinneqarpat?
2. Sooq avaleraasartuuni pisassat 30.000 tons aalisariutinut nunani allaneersunut pisisassanngortinneqarsimappat, aalisariutillu nunatsinneersut ilai itigartinneqarlutik?
3. Namminersorlutik Oqartussat nalunaarutaat nr. 9, 17. juli 2014-imeersup § 11-mi piumasaqaatinut tunngatillugu angallatit angissusaannut tunngasut qanoq killilerneqarsimappat?

#### Akissut:

1-imut)

Aalisariutit kalaallinit pigineqartut 14-it avaleraasartooriarnissamut akuerineqarput. Aalisariutit kalaallinit pigineqartut akuerisaasimasut arlaannaalluunniit itigartinneqanngillat. Ingerlatseqatigiiffiit tulluutillugit salliutinneqartut arfineq marluk akuerineqarput. Maannakkorpiaq erseqqissumik takuneqarsinnaanngilaq aalisariutit nunani allaneersut qassit akuersissummik tunineqassanersut. Taamaattoq ingerlatseqatigiiffinnut siullertut salliutinneqartunut piumasaqaataavoq pisassiissutigineqartunit minnerpaamik 65 %-it namminneq aalisariumminnik aalisassagaat. Avaleraasartooriarnissamut qinnuteqartut 49-upput, ingerlatseqatigiiffiillu (imaluunniit ingerlatseqatigiiffiit eqiterussimasut) katillugit 15-it akuerineqarlutik. Tassa qinnuteqarsimasunit 19-it neriorsuutit nassiinneqarput i 30-illu itigartinneqarsimallutik.

2-mut)

30.000 tonsit tulluutillugit salliutitanut atugassiaapput, tassaasut ingerlatseqatigiiffiit siamasissumik najukkami pituttorneqarsimasut. Ingerlatseqatigiiffiit taakku amerlanersaat nutaajugamik aalisariutinik nunani allaneersunik atuiniarput. Naalakkersuisut taamatut pingaarnersiunissaq toqqarpat, tassa avaleraasartooriarnermi aningaasatigut iluanaarutissat sapinngisamik nunatsinni innuttaasunut amerlanerpaanut tutsinneqarnissaat pingaaruteqarmat. Avaleraasartoorat annersaat (55.000 tons) aalisariutinut kalaallinit pigineqartunut tunniinneqarput, tassa taakku aningaasatigut suliffissaqartitsinertigullu inuiaqatigiinnut

pitsaanerpaamik iluaqusiisussaammata. Kalaallit aalisariutaat akuerisaasut arlaannaalluunniit itigartinneqanngillat.

3-mut)

Aalisarsinnaanermut akuersissutit pisassiissutillu pillugit Namminersorlutik Oqartussat nalunaarutaata nr. 9, 17. juli 2014-imeersup § 11-ani (aamma taaneqartartoq akuersissutit pillugit nalunaarut) pineqarpoq aalisariutinik nutaanik akuersissuteqartarneq. Tamatumani pineqarpoq Aalisarnermut, Piniarnermut Nunalerinermullu Naalakkersuisoq piumasaqaatit marluk aallaavigalugit aalisariutinik akuersisassasoq, tassalu piumasaqaatit piginnittuunermut aamma aalisarneqarsinnaasunut pineqartunut angallatit aalisarnissamut naleqqussarneqarsimanersut pillugit nalilersuinermit tunngasut. Akuersissutit pillugit nalunaarutip § 11-ani aalisariutit angissusissaat immikkut oqaatigineqanngillat. Kisianni qinnuteqartup angallataata aalisarsinnaassusaa aalisagartassanut sanilliullugu nalilersuinissaq siunniunneqarpoq. Matumani aalisariutit kalaallinit pigineqartut ukioq naallugu suliffissaqartitsinissaasa qulakkeerneqarnissaa siunertarineqarpoq, aamma aalisariutini piasinnaasat sinnerlugit pisaqartoqartannginnissaata qulakkeerneqarnissaa ilanngullugu eqqarsaatigalugu.

Inussiarnersumik inuulluaqqusillunga  
Med venlig hilsen

Karl-Kristian Kruse